

Skulestruktur i Masfjorden Kommune

Skulestrukturen i Masfjorden har lenge vore eit diskutert tema.

Tre bygder med tre 1-10 skule, her er det små klassar og enkelte år mangel på lærarar.

Kvifor slå saman ungdomstinet ved Sandnes og Nordbygda skule?

Blir ungdomstrinna ved Sandnes og Nordbygda slått saman, blir det betre trivsel for elevane, som igjen gjev betre læringsmiljø.

Om skuleklassane i Masfjorden kommune vert større får ein moglegheit til å vere fleire saman, vennekretsane blir utvida og man finn kanskje meir støtte, der kjemi stemmer betre og der er større toleranse.

Eg trur at Sandnes og Nordbygda vil samle fleire gode krefter, saman.

Samhandling, møte og forståing vert tettare mellom innbyggjarane – som bur i same kommune, men som i dag ikkje er so mykje ilag.

Det er viktig for skulemiljøet, oppvekst og folkehelsa at ungdomstrinna vert større.

Eg ynskjer at framtidens ungdomsskuleelevar får eit større miljø med elevar frå litt større geografi. Der kan mange tilføre mykje meir positivt- som ved MOT samlingane. Jamvel må MOT oppretthaldast i kommunen vår sjølv om det ikkje er lovpålagt. Utan MOT hadde eg ikkje komme greitt gjennom mine år i Masfjordskulen!

Kommunen har mange dyktige lærarar med ulik og lik kompetanse.

Dessverre får ein ikkje dei same moglegheitene i dag på alle ungdomstrinn i høve til språk, fysisk aktivitet og sosial/fysisk aktivitetsarrangement.

Om kommunen skal vere ein attraktiv bukommune MÅ Masfjorden brette opp armene og gjere noko med skulestrukturen. Eg forstår at mange kvir seg til lengre skuleveg, men eg veit at det ikkje berre er meg som gjerne hadde reist litt lengre som ungdomsskuleelev for å kunne vere i eit større og meir inkluderande miljø.

Kva med å slå saman ungdomstrinnet, men bytte på kvar ein er?

I dagens samfunn og med våre allereie etablerte reisemønster, vil ikkje det å ha 1 månad på Sandnes med buss heilt fram (inkludert på kabelferja før brua kjem..). og deretter 1 månad på Nordbygda etc. gjere noko anna enn at begge skulane vil få ungdomselevane innom og ungdomsskuleelevar vil få nytte kvar av skulane sine beste fasilitetar og lærarane til undervisning.

Eg har tru på at me må og kan! Heie kvarandre meir fram på den måten, gjere kvarandre gode og ikkje minst verte betre kjent med kvarandre på kvar side av fjorden.

Eg ynskjer ikkje at borna som veks opp her skal oppleve små ungdomsskulemiljø – difor uttalar eg meg om dette. Med bakgrunn i mi erfaring i Masfjordskulen. Eg gjekk ut av 10 klasse ved Nordbygda skule i juni 2018.

